

თვითმმართველი ერთეული ხარაგაულის მუნიციპალიტეტი



ერთეულის ელექტრონული ტენდერის საშუალებით შენობის დასრულების სამუშაოების შესყიდვის
სატენდერო დოკუმენტაცია

(CPV45400000)

[შენობის კაპიტალური რემონტის \(შეკეთება-რეაბილიტაცია\) და რეკონსტრუქციის სამუშაოები](#)

(CPV45453000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს
კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და
ელექტრონული ტენდერის ჩატარების წესის“ დამტკიცების შესახებ სახელმწიფო შესყიდვების სააგენტოს
თავმჯდომარის 2011 წლის 7 აპრილის N9 ბრძანების საფუძველზე.

ხარაგაული

2016 წელი

ტექნიკური დოკუმენტაცია.

1. შესყიდვის ობიექტის ტექნიკური დავალება:

ხარაგაულის მუნიციპალიტეტის მიერ გამოცხადებული ერთეობრივი ელექტრონული ტენდერის შესყიდვის ობიექტს წარმოადგენს:

> ხარაგაულის მუნიციპალიტეტის დაბის N. მე-2 საბავშვო ბაღის რეაბილიტაციის სამუშაოების შესყიდვა.

შესყიდვის ობიექტის სავარაუდო ღირებულებაა **139251 (ას ოცდაცხრამეტი ათას ორას ორმოცდათერთმეტი)** ლარი. დაფინანსების წყარო: საქართველოს მთავრობის 04.02.2016 წლის №175 განკარგულება (95%) და 2016 წლის ადგილობრივი თვითმმართველობის ბიუჯეტის ასიგნებები (5%).

(იხილეთ: (ხარჯთაღრიცხვა) დანართი №1)).

პრეტენდენტთა საყურადღებოდ

1.1 ა) სახელმწიფო შესყიდვების ერთიან ელექტრონულ სისტემაში პრეტენდენტ(ებ)ის მიერ ატვირთული ყველა დოკუმენტაცია ან/და ინფორმაცია ხელმოწერილი ან/და ბეჭედდასმული **(ბეჭდის არსებობის შემთხვევაში)** უნდა იყოს უფლებამოსილი პირის მიერ. **(დოკუმენტაციის ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).**

ბ) პრეტენდენტი ვალდებულია ტენდერში მონაწილეობის მიღებამდე შეისწავლოს ტექნიკურ დავალებებში მოცემული შესყიდვის ობიექტის აღწერა, (შესასრულებელი სამუშაოების ადგილმდებარეობა) წარმოდგენილი ხარჯთაღრიცხვა და გამოვლენილი უზუსტობების შემთხვევაში დაუყოვნებლივ აცნობოს შემსყიდველს. წინააღმდეგ შემთხვევაში აღნიშნულის თაობაზე პრეტენზია არ განიხილება.

1.2 შესყიდვის ობიექტის მიწოდების ადგილი და ვადები:

ა) შესყიდვის ობიექტის მიწოდების ადგილი:

სამუშაოების შესრულება უნდა განხორციელდეს ხარაგაულის მუნიციპალიტეტის ბორითის და ღორეშის ადმინისტრაციულ ერთეულში:

ბ) შესყიდვის ობიექტის მიწოდების ვადა:

სამუშაოების შესრულება უნდა დასრულდეს ხელშეკრულების გაფორმებიდან **120 (ასოცი)** კალენდარულ დღეში. (მათშორის გათვალისწინებულია რთული მეტეოროლოგიური პირობები)

1.3 ფასების ცხრილი (დანართი №1).

ა) ფასების ცხრილი პრეტენდენტის მიერ წარმოდგენილი უნდა იქნეს შესასრულებელი სამუშაოების ღირებულებისა და საქართველოს კანონმდებლობით დადგენილი ყველა გადასახადის გათვალისწინებით;

1.4 პრეტენდენტის მიერ არაგონიერული ფასის დაფიქსირებისას (იმ შემთხვევაში თუ ტენდერში

ელექტრონული ვაჭრობის შედეგად პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება შესაბამისი ტენდერის, შესყიდვის ობიექტის სავარაუდო ღირებულებაზე) შემსყიდველისაგან პრეტენდენტს მოეთხოვება, მის მიერ დაფიქსირებული საბოლოო ფასის, ამსახველი ხარჯთაღრიცხვის ექსპერტის დასკვნა (იმის გათვალისწინებით, თუ რამდენად შესაძლებელია შეთავაზებულ ფასად აღნიშნული სამუშაოების შესრულება) რომელიც პრეტენდენტის მიერ წარმოდგენილი უნდა იქნეს, შემსყიდველის მოთხოვნიდან არაუგვიანეს 10 (ათი) სამუშაო დღის ვადაში.

1.5 ხელშეკრულების შესრულების უზრუნველყოფის გარანტია არ გამოიყენება.

1.6 ინფორმაცია ანალოგიური სამუშაო გამოცდილების შესახებ:

ა) პრეტენდენტს 2014 წლის 1 იანვრიდან 2016 წლის 10 თებერვლამდე შესრულებული უნდა ჰქონდეს ერთეტაპიანი ელექტრონული ტენდერის სატენდერო დოკუმენტაციით გათვალისწინებული ანალოგიური ხასიათის, სირთულისა და შინაარსის მქონე სამუშაოები ჯამური ღირებულებით არანაკლები 200 000 (ორასი ათასი) ლარის ოდენობით.

(ანალოგიური სამუშაოებში ითვლება შენობების მშენებლობის, შეკეთების და რეაბილიტაციის სამუშაოები)

ბ) პრეტენდენტმა უნდა წარმოადგინოს ტენდერით გათვალისწინებული ანალოგიური ხასიათის, სირთულისა და შინაარსის მქონე სამუშაოს შესრულების დამადასტურებელი დოკუმენტების ასლები (ხელშეკრულებ(ებ)ის ასლ(ებ)ი, და მიღება-ჩაბარების აქტ(ებ)ის ასლ(ებ)ი).

1.7 სამუშაო ადგილის მომზადება, გარემოს დაცვა:

სამუშაოების შემსრულებელი, სამუშაოების შესრულების დროს პასუხისმგებელია:

- ა) შეასრულოს სამუშაოები შრომის უსაფრთხოების პირობების დაცვით;
- ბ) უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების და სამუშაოებთან დაკავშირებული ხმაურის, ვიბრაციის მინიმუმამდე დაყვანა;
- გ) სამუშაოების დასრულების შემდეგ შემსრულებელი თავისი ძალებით ვალდებულია 10 კალენდარული დღის ვადაში გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან, სამშენებლო ნარჩენებისაგან და ა.შ;
- დ) სამუშაოს წარმოების პირობები უნდა შეესაბამებოდეს საქართველოს მოქმედი კანონმდებლობით დადგენილ წესებსა და ნორმებს;

1.8 ხელშეკრულების პირობები:

1.8.1 ანგარიშსწორების პირობები:

ა) ანგარიშსწორების ფორმა-უნადლო, ეროვნული ვალუტით ლარში;

ბ) ანგარიშსწორება მიმწოდებელთან განხორციელდება ერთჯერადად ან/და ეტაპობრივად სამუშაო(ები)ს შესრულების შემდეგ მიმწოდებლის წერილობითი მომართვის საფუძველზე („მიმწოდებელი“-ს წერილობით მომართვას ანგარიშსწორების თაობაზე უნდა დაერთო ფაქტიურად შესრულებული სამუშაო(ები)ს მოცულობა და ღირებულება),

შემსყიდველი ორგანიზაციის კონტროლის ჯგუფის მიერ წარმოდგენილი დასკვნისა და შესაბამისი მიღება-ჩაბარების აქტის გაფორმების შემდეგ არაუგვიანეს 15 (თხუთმეტი) კალენდარული დღის განმავლობაში;

გ) მიმწოდებელმა შესრულებული სამუშაოების საბოლოო ჩაბარებისას, შესრულებულ სამუშაო(ებ)ზე უნდა წარმოდგინოს საექსპერტო ორგანიზაციის მიერ გაცემული დადებითი დასკვნა შესრულებული სამუშაო(ებ)ის ხარისხის,

მოცულობ(ებ)ის და ფას(ებ)ის გათვალისწინებით რომლითაც დადასტურდება მის მიერ შესასრულებელი სამუშაოების სრულფასოვნად შესრულება:

დ) სამუშაოს ხარისხის დაცვის მიზნით, „შემსყიდველი“-ს მიერ ყოველ შესრულებულ სამუშაოზე დაკავებული იქნება შესრულებული სამუშაოების ღირებულების 5%, რომლის ნახევრის 2.5% დაბრუნება მოხდება სამუშაოების სრული დასრულებისა და „შემსყიდველი“-ს მიერშექმნილი კონტროლის ჯგუფის მიერ შედგენილი შესაბამისი მიღება-ჩაბარების აქტის გაფორმების შემდეგ, ხოლო მეორე ნახევარი (აღნიშნული თანხის დაკავების ფორმას განსაზღვრავს „შემსყიდველი“) სამუშაოების საგარანტიო ვადის 2 (ორი) წლის გასვლის შემდეგ. იმ შემთხვევაში თუ „შემსყიდველი“-ს მიერ შექმნილი კონტროლის ჯგუფის ან სპეციალური კომისიის მიერ აქტის შედგენისას დაფიქსირებული იქნება შესრულებული სამუშაოს ნაკლი ან უხარისხობა, „მიმწოდებელს“ აღნიშნული თანხა არ აუნაზღაურდება დეფექტების გამოსწორებამდე.

ე) „მიმწოდებელი“-ს მოთხოვნით, მხარეთა შორის 30%-ის ფარგლებში წინასწარ ანგარიშსწორებაზე (ავანსი) მიღწეული შეთანხმების შემთხვევაში, „მიმწოდებელი“-ს მიერ უნდა იყოს წარმოდგენილი (საქართველოს ეროვნული ბანკის მიერ ლიცენზირებული) საბანკო დაწესებულების მიერ გაცემული გარანტია, საავანსო გადახდის თანხაზე, რომლის მოქმედების ვადა მინიმუმ 1 (ერთი) თვით უნდა აღემატებოდეს ხელშეკრულების მოქმედების დასრულების ვადას.

1.8.2 ხელშეკრულების პირობების შეუსრულებლობა:

დაუძლეველი ძალის გარდა „მიმწოდებელი“-ს მიერ ხელშეკრულებით ნაკისრი ვალდებულებების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები:

ა. ხელშეკრულების თვითნებურად შეწყვეტის შემთხვევაში „მიმწოდებელი“ გადაიხდის ხელშეკრულების ჯამური ღირებულების 30(ოცდაათი) პროცენტს — (————) ლარს შემსყიდველის სასარგებლოდ.

ბ. თუ „მიმწოდებელი“ გადააცილებს მის მიერ წარმოდგენილი სამუშაოების კალენდარული გეგმა-გრაფიკით გათვალისწინებულ შესაბამისი ეტაპის დასრულების ვადას, „მიმწოდებელს“ დაეკისრება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0.1%-ის ოდენობით.

გ. იმ შემთხვევაში, თუ ხელშეკრულების 14.2 პუნქტით გათვალისწინებული პირგასამტეხლოს ოდენობა მიაღწევს ხელშეკრულების ჯამური ღირებულების 3%-ს, „შემსყიდველს“ უფლება აქვს ცალმხრივად შეწყვიტოს ხელშეკრულება.

დ. ამ ხელშეკრულების 14.3 და 15.1 მუხლის მოთხოვნათა შესაბამისად, ხელშეკრულების სრული ან მისი ცალკეული პირობის მოქმედების შეწყვეტის შემთხვევაში, მხარემ რომელმაც არ შეასრულა ხელშეკრულებით ნაკისრი ვალდებულება დაეკისრება პირგასამტეხლო ხელშეკრულების ჯამური ღირებულების 30% (ოცდაათი) პროცენტის ოდენობით – (————) ლარი მეორე მხარის სასარგებლოდ.

ე. ხელშეკრულებით ნაკისრი ვალდებულებების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას ფაქტიურად შესრულებული სამუშაოს ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

ვ. საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისადმი.

ზ. ხელშეკრულებით გათვალისწინებული სამუშაო(ებ)ის დასრულების ვადაში განხორციელებისას, ხელშეკრულების მოქმედების ვადის გასვლამდე ექსპერტიზის დასკვნის წარმოდგენისა და მიღება-ჩაბარების აქტის გაფორმების შემთხვევაში, „მიმწოდებელი“ თავისუფლდება ხელშეკრულების 14.2 პუნქტით გათვალისწინებული საჯარიმო სანქციებიდან.

1.8.3 ხელშეკრულების მოქმედების ვადა:

ხელშეკრულების მოქმედების ვადა განისაზღვრება ხელშეკრულების გაფორმების თარიღიდან 2016 წლის 31 დეკემბრის ჩათვლით.

1.9 შესასრულებელ სამუშაოების საგარანტიო ვადა:

ა) შესრულებული სამუშაო(ებ)ის სრულფასოვანი ფუნქციონირების საგარანტიო ვადა განისაზღვრება სამუშაოების საბოლოო ჩაბარებიდან 2 (ორი) წელის ვადით, რომლის განმავლობაშიც „მიმწოდებელი“ ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა. აღნიშნული არ გულისხმობს საანგარიშო პერიოდში დაზიანების აღდგენას, თუ დაზიანება გამოწვეული იქნება დაუძლეველი ძალის ზეგავლენით ან გარეშე ძალის ზემოქმედებით.

2. ტექნიკური მოთხოვნები

2.1 როგორც იურიდიული ასევე ფიზიკური პირებისათვის:

ტექნიკური მოთხოვნების სახით პრეტენდენტ(ებ)მა სახელმწიფო შესყიდვების ერთიანი ელექტრონული სისტემის საშუალებით უნდა წარმოადგინონ!

- პრეტენდენტის სატენდერო წინადადება: იხ. (დანართი №2).
- პრეტენდენტი პირის რეკვიზიტები: (დანართი №3).
- ფასების ცხრილი (დანართი №1).
- სამუშაოების შესრულების კალენდარული გეგმა გრაფიკი (განფასებული):
- ინფორმაცია ანალოგიური სამუშაოების გამოცდილების შესახებ (დანართი №4).

3. სამუშაოს შესრულების წესი და სამუშაოების წარმოება:

1). სახელშეკრულებო ობიექტ(ებ)ზე შემსრულებელმა უნდა მოახდინოს სამუშაოების შესრულებისათვის საჭირო ტექნიკის (მანქანა მექანიზმების) მობილიზება და სამუშაოები უნდა დაიწყოს ხელშეკრულების გაფორმებიდან 5 (ხუთი) კალენდარული დღის ვადაში. სამუშაოების დაწყებისთანავე უნდა აწარმოოს სამუშაოთა წარმოების დანომრილი და შემსყიდველისა და მიმწოდებლის მიერ ხელმოწერილი და ბეჭდით დამოწმებული (ბეჭდის არსებობის შემთხვევაში) ჟურნალი, სადაც ყოველდღიურად ჩაწერს და ასახავს დღიური შესრულებული სამუშაოს მოცულობას, შემსრულებელი პერსონალის მონაცემებს, გამოყენებული მექანიზმების და მოწყობილობების ჩამონათვალს - რომელიც მონაწილეობდა სამუშაოების შესრულებაში, ხარისხის დაცვის პროცედურებს, ამინდის მონაცემებს და სხვა. ამავე ჟურნალში შემსყიდველის წარმომადგენელი (ტექზედამხედველი) სისტემატიურად აღნიშნავს თავის შენიშვნებს, დაკვირვებებს და რეკომენდაციებს სამუშაოების წარმოების შესახებ. ჟურნალში ჩაიწერება განსაკუთრებული დავალებები, აღმოჩენილი დეფექტების და მათი აღმოფხვრის ვადები.

2). სამუშაოს შესრულების წესი განისაზღვრება ამ თავით და ხელშეკრულების პირობებით. შემსრულებელმა უნდა განახორციელოს ფარული სამუშაოების ვიდეო ან/და ფოტო გადაღება (გადაღება შეიძლება განხორციელდეს ვიდეორეგისტრატორით), აწარმოოს ფარული სამუშაოების აქტები იმ სამუშაოებზე, რომლებზეც საჭიროა აღნიშნული დოკუმენტაციის წარმოება. შემსრულებელმა უნდა აწარმოოს საშემსრულებლო ტექნიკური დოკუმენტაცია.

სამუშაოების დასრულების შემდეგ შემსყიდველს უნდა წარუდგინოს პროექტის შესრულების შესახებ საერთო ანგარიში დასურათებული, ელექტრონული და ბეჭდური ფორმით. საჭიროების შემთხვევაში სამუშაოების შესრულების პროცესში უზრუნველყოს სამუშაო ადგილის შემოფარგვლა და დამცავი გამაფრთხილებელი თვალსაჩინოების და სინათლის ამრეკლი შუქნიშნების დაყენება.

მომუშავენი უზრუნველყოფილნი უნდა იყვნენ ინდივიდუალური დაცვის საშუალებებით და ასევე უნდა სრულდებოდეს საერთო კოლექტიური დაცვის ღონისძიებებიც.

აუცილებელია უსაფრთხოების ტექნიკის, საწარმოო სანიტარიის და ხანძარსაწინააღმდეგო მოქმედი წესების, ნორმებისა და ინსტრუქციების დაცვა.

პრეტენდენტის სატენდერო წინადადება:

შპს / ინდ.მეწარმე /ფ/პ -ის გამარჯვების შემთხვევაში, SPA----- ერთეტაპიანი ელექტრონული ტენდერის სატენდერო დოკუმენტაციისა და ტექნიკური დავალებით (დანართი №1)-ით გათვალისწინებული შესასრულებელი სამუშაოები, შპს / ინდ.მეწარმე /ფ/პ -ის მიერ შესრულებული იქნება ხელშეკრულების გაფორმებიდან 120 (ასოცი) კალენდარულ დღეში და შესრულებულ სამუშაოებზე საგარანტიო ვადა განისაზღვრება სამუშაოების დასრულებიდან 2 (ორი) წლის ვადით. ხოლო სამუშაოს წარმოების პირობები შეესაბამისობაში იქნება საქართველოს მოქმედი კანონმდებლობით დადგენილ წესებსა და ნორმებთან:

პრეტენდენტის ხელმოწერა

ბეჭედი (ბეჭდის არსებობის შემთხვევაში)

პრეტენდენტის რეკვიზიტები:

- პრეტენდენტის იურიდიული ფორმა და დასახელება.
- ხელმძღვანელის სახელი, გვარი.
- საიდენტიფიკაციო კოდი/ნომერი.
- პრეტენდენტის იურიდიული და ფაქტიური მისამართი.
- პრეტენდენტის ტელეფონის ნომერი: ფაქსი. მობილური.
- ელექტრონული მისამართი, E-mail:
- ბანკის დასახელება.
- ბანკის კოდი.
- ანგარიშსწორების ანგარიში №.

პრეტენდენტის ხელმოწერა

ბეჭედი (ბეჭდის არსებობის შემთხვევაში)

ინფორმაცია გამოცდილების შესახებ

№	სამუშაოს დასახელება	შემსყიდველის დასახელება	ხელშეკრულებით გათვალისწინებული სამუშაოს ღირებულება	ფაქტიურად შესრულებული სამუშაოს ღირებულება	ხელშეკრულების დადების თარიღი და №

ინფორმაციასთან ერთად წარმოდგენილი უნდა იქნას შესრულებული სამუშაოების დამადასტურებელი დოკუმენტები ხელშეკრულებ(ებ)ის ასლები და (მიღება-ჩაბარების აქტ(ებ)ის ასლები).

პრეტენდენტის ხელმოწერა

ბეჭედი (ბეჭდის არსებობის შემთხვევაში)

დამატებითი ინფორმაცია:

სატენდერო დოკუმენტაციასთან დაკავშირებით დამატებითი ინფორმაცია შეგიძლიათ მიიღოთ საკონტაქტო პირისაგან (სატენდერო კომისიის აპარატის წევრი): ზურაბ იჩქიტაძე ტელ. № 599-85-26-05

საპროექტო დოკუმენტაციასთან (ხარჯთაღრიცხვა) დაკავშირებით ხარაგაულის მუნიციპალიტეტის ინფრასტრუქტურის სამსახურის უფროსი მალხაზ ფხალაძე ტელ. № 595-44-85-97

ხელშეკრულების საბოლოო ვარიანტი დეტალურად დაზუსტდება სატენდერო დოკუმენტაციის შესაბამისად ტენდერში გამარჯვებულ პრეტენდენტთან ხელშეკრულების გაფორმების პროცესში.

პროექტი:

სახელმწიფო შესყიდვების შესახებ

ხელშეკრულება № _____

ხარაგაული:

“___” _____ 2016 წელი.

ერთის მხრივ, თვითმმართველი ერთეული ხარაგაულის მუნიციპალიტეტის გამგეობა, (შემდგომში „შესყიდველი“) წარმოდგენილი მუნიციპალიტეტის გამგებლის – კობა ლურსმანაშვილის სახით. (მისამართი: ხარაგაული 9 აპრილის, ქ.15.

მეორეს მხრივ, შპს „____“, (შემდგომში „მიმწოდებელი“) წარმოდგენილი მისი დირექტორის, _____ სახით, (მისამართი: _____, _____)

ტელ: _____ „სახელმწიფო შესყიდვების შესახებ“ საქართველოს კანონმდებლობისა და „მიმწოდებელი“ – ს სატენდერო წინადადების საფუძველზე, №SPA000000000 ერთეულობიანი ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) – შესყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ,

მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციას (დაწესებულებას), ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 “შემსყიდველი ორგანიზაცია” (შემდგომ “შემსყიდველი”) ნიშნავს რომელიც ახორციელებს შესყიდვას;

1.4 “მიმწოდებელი” ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;

1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს;

1.6 „სამუშაო” – ხელშეკრულების მე-2 მუხლით გათვალისწინებული ხელშეკრულების საგანი;

1.7 „ტექნიკური დოკუმენტაცია” – მიმწოდებლის მიერ №SPA _____ ერთეობიან ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც თან ერთვის ხელშეკრულებას, როგორც მისი განუყოფელი ნაწილი.

2. ხელშეკრულების ობიექტი და კლასიფიკატორის კოდი

2.1 ხარაგაულის მუნიციპალიტეტის დაბის ადმინისტრაციული ერთეულიში N2 საბავშვო ბაღის რეაბილიტაციის სამუშაოების შესყიდვა.

2.2 ხელშეკრულებით გათვალისწინებული სამუშაოების აღწერა მოცემულია ტექნიკურ დავალებაში (ხარჯთაღრიცხვები, სამუშაოების შესრულების კალენდარულ-თანხობრივი გეგმა-გრაფიკი და სამუშაოთა წარმოების ჟურნალი – წარმოადგენს ხელშეკრულების განუყოფელ ნაწილს).

2.3 შესიდვის ობიექტის კლასიფიკატორის კოდი – CPV45400000.

3. ხელშეკრულების ღირებულება

3.1 ხელშეკრულების ჯამური ღირებულება შეადგენს: ----- (-----) ლარს.

3.2 ხელშეკრულების ღირებულება მოიცავს სამუშაოების შესრულებასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს.

4. ხელშეკრულების შესრულების კონტროლი

4.1. „შემსყიდველი” უფლებამოსილია სამუშაოების შესრულების პარალელურად მოახდინოს სამუშაოების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან.

4.2. სახელშეკრულებო ობიექტზე (ობიექტებზე ცალ-ცალკე) შემსრულებელმა უნდა აწარმოოს – დანომრილფურცლიანი, ზონარგაყრილი, შემსყიდველისა და შემსრულებელი ორგანიზაციების ხელმძღვანელების ხელმოწერითა და ბეჭდით დამოწმებული სამუშაოთა წარმოების ჟურნალი, სადაც ყოველდღიურად ჩაწერს შესრულებული სამუშაოების მოცულობას, შემსრულებელი პერსონალის მონაცემებს, გამოყენებული მექანიზმებისა და მოწყობილობების ჩამონათვალს, ხარისხის, უსაფრთხოებისა და გარემოზე ზემოქმედების დაცვის პროცედურებს, ამინდის მონაცემებს და სხვა. ამ ჟურნალში ტექნიკური დავალებით სისტემატიურად, ხოლო შემსყიდველი პერიოდულად აღნიშნავს თავის შენიშვნებს, დაკვირვებებსა და რეკომენდაციებს. ჟურნალში ჩაიწერება განსაკუთრებული დავალებები, აღმოჩენილი დეფექტები და მათი აღმოფხვრის ვადები

4.3. გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს”, საქართველოს კანონმდებლობით დადგენილი წესით.

4.4 „მიმწოდებელი” ვალდებულია საკუთარი რესურსებით უზრუნველყოს „შემსყიდველი”, კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ „შემსყიდველი” კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ „შემსყიდველი.”

4.5 ხელშეკრულებით გათვალისწინებული პირობების შესრულების კონტროლი (ინსპექტირება) განხორციელდება ხარაგაულის მუნიციპალიტეტის გამგებლის ბრძანებით შექმნილი კონტროლის ჯგუფის მიერ.

4.6 ინსპექტირების ჯგუფი ამოწმებს სამუშაოს შესრულების მოცულობას, ხარისხს და ვადებს და სამუშაოების ჩაბარებისას წერს შესაბამის დასკვნას.

5. სამუშაოს შესრულების ვადა

5.1 „მიმწოდებელი” ვალდებულია სამუშაოების შესრულება განახორციელოს ხელშეკრულების დადებიდან 120 (ასოცი) კალენდარული დღის განმავლობაში, 2016 წლის — — — — — ჩათვლით.

6. შესყიდვის ობიექტის მიღება-ჩაბარების წესი

6.1 „შემსყიდველი“ შესყიდვის ობიექტის მიღებას მოახდენს ერთჯერადად ან ეტაპობრივად, ფაქტიურად შესრულებული სამუშაოების შესაბამისად.

6.2 შესრულებული სამუშაოების საბოლოო მიღება-ჩაბარებისას, „მიმწოდებელი“ ვალდებულია წარმოადგინოს უფლებამოსილი პირის მიერ გაცემული ექსპერტიზის დასკვნა შესრულებული სამუშაოების ხარისხზე, მოცულობასა და ფასებზე.

6.3 სამუშაოს დასრულების ვადათ ითვლება „შემსყიდველი“ ორგანიზაციის მიერ შექმნილი კონტროლის (ინსპექტირების) ჯგუფის მიერ სამუშაოს დასრულების დადასტურების დღე.

6.4 ფაქტიური შესრულების დამტკიცებას, ხარაგაულის მუნიციპალიტეტის გამგებლის ბრძანებით შექმნილი კონტროლის ჯგუფის დადასტურების საფუძველზე ახორციელებს ხარაგაულის მუნიციპალიტეტის გამგებელი.

7. ანგარიშსწორების პირობები და ვადები

7.1 ანგარიშსწორების ფორმა-უნადოდ, ეროვნული ვალუტით ლარში;

7.2 ანგარიშსწორება მიმწოდებელთან განხორციელდება ერთჯერადად ან/და ეტაპობრივად სამუშაო(ებ)ის შესრულების შემდეგ მიმწოდებლის წერილობითი მომართვის საფუძველზე **(„მიმწოდებელი“-ს წერილობით მომართვას ანგარიშსწორების თაობაზე უნდა დაერთო ფაქტიურად შესრულებული სამუშაო(ებ)ის მოცულობა და ღირებულება)**

შემსყიდველი ორგანიზაციის კონტროლის ჯგუფის მიერ წარმოდგენილი დასკვნისა და შესაბამისი მიღება-ჩაბარების აქტის გაფორმების შემდეგ არაუგვიანეს **15 (თხუთმეტი)** კალენდარული დღის განმავლობაში;

ბ) მიმწოდებელმა შესრულებული სამუშაოების საბოლოო ჩაბარებისას, შესრულებულ სამუშაო(ებ)ზე უნდა წარმოდგინოს ექსპერტის დასკვნა შესრულებული სამუშაო(ებ)ის ხარისხის, მოცულობა(ებ)ის და ფას(ებ)ის გათვალისწინებით რომლითაც დადასტურდება მის მიერ შესასრულებელი სამუშაოების სრულფასოვნად შესრულება:

7.3 „მიმწოდებელი“-ს მოთხოვნით, მხარეთა შორის **30%-ის** ფარგლებში წინასწარ ანგარიშსწორებაზე (ავანსი) მიღწეული შეთანხმების შემთხვევაში, „მიმწოდებელი“-ს მიერ უნდა იყოს წარმოდგენილი **(საქართველოს ეროვნული ბანკის მიერ ლიცენზირებული)** საბანკო დაწესებულების მიერ გაცემული გარანტია, საავანსო გადახდის თანხაზე, რომლის მოქმედების ვადა მინიმუმ **1 (ერთი)** თვით უნდა აღემატებოდეს ხელშეკრულების მოქმედების დასრულების ვადას.

7.4 სამუშაოს ხარისხის დაცვის მიზნით, „შემსყიდველი“-ს მიერ ყოველ შესრულებულ სამუშაოზე დაკავებული იქნება შესრულებული სამუშაოების ღირებულების **5%**, რომლის ნახევრის **2.5%-ის** დაბრუნება მოხდება სამუშაოების სრული დასრულებისა და „შემსყიდველი“-ს მიერ შექმნილი კონტროლის (ინსპექტირების) ჯგუფის მიერ შედგენილი ობიექტის ჩაბარების აქტის გაფორმების შემდეგ, ხოლო მეორე ნახევარი **(აღნიშნული თანხის დაკავების ფორმას განსაზღვრავს „შემსყიდველი“)** სამუშაოების საგარანტიო ვადის **2 (ორი)** წელი გასვლის შემდეგ. იმ შემთხვევაში, თუ „შემსყიდველი“-ს მიერ შექმნილი კონტროლის (ინსპექტირების) ჯგუფის ან სპეციალური კომისიის მიერ აქტის შედგენისას დაფიქსირებული იქნება შესრულებული სამუშაოს ნაკლი ან უხარისხობა, „მიმწოდებელს“ აღნიშნული თანხა არ აუნაზღაურდება დეფექტების გამოსწორებამდე.

8. გარანტია

8.1 შესრულებული სამუშაოს სრულფასოვანი ფუნქციონირების საგარანტიო ვადათ განისაზღვრება **2 (ორი)** წელი, რომლის განმავლობაშიც „მიმწოდებელი“ ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა. აღნიშნული არ გულისხმობს საანგარიშო პერიოდში დაზიანების აღდგენას, თუ დაზიანება გამოწვეული იქნება დაუძლეველი ძალის ზეგავლენით ან გარეშე ძალის ზემოქმედებით.

9. ხელშეკრულებაში ცვლილების შეტანა

9.1 ხელშეკრულების დამდებ არც ერთ მხარეს არა აქვს უფლება შეიტანოს ცვლილებები მეორე მხარესთან შეთანხმების გარეშე.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების **10%-ზე** მეტი ოდენობით გაზრდა.

9.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. სუბკონტრაქტორები

10.1 „მიმწოდებელმა“ წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა სუბკონტრაქტის შესახებ.

10.2 ამ ხელშეკრულების ფარგლებში ყველა სუბკონტრაქტთან დადებული ხელშეკრულების ასლი უნდა წარედგინოს შემსყიდველს.

10.3 ამ ხელშეკრულების ფარგლებში დადებული არცერთი სუბკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისგან.

11. ხელშეკრულების შესრულების შეფერხება

11.1 თუ ხელშეკრულებით ნაკისრი ვალდებულებების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულებით ნაკისრი ვალდებულებების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში წერილობით უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულებით ნაკისრი ვალდებულებების შესრულების შეფერხების გამო მხარეები შეთანხმდებიან ხელშეკრულებით ნაკისრი ვალდებულებების შესრულების ვადის გაგრძელების თაობაზე, ეს გადაწყვეტილება უნდა გაფორმდეს დანართი–შეთანხმების სახით, რომელიც დაერთვება ხელშეკრულებას, როგორც მისი განუყოფელი ნაწილი.

12. მხარეთა უფლება–მოვალეობები

12.1 „შემსყიდველი“ უფლებამოსილია:

–სამუშაოს დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია.

12.2 „შემსყიდველი“ ვალდებულია:

– უზრუნველყოს „მიმწოდებლი“-ს მიერ შესრულებული სამუშაოს ანაზღაურება ხელშეკრულებით გათვალისწინებული ვადების და პირობების დაცვით.

12.3 „მიმწოდებელი“ უფლებამოსილია:

–მოსთხოვოს „შემსყიდველს“ შესრულებული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

12.4 „მიმწოდებელი“ ვალდებულია:

–დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

–სამუშაოების შესრულების პროცესში უზრუნველყოს სამუშაო ადგილის შემოფარგვლა და დამცავი გამაფრთხილებელი თვალსაჩინოებებისა და სინათლის ამრეკლი შუქნიშნების დაყენება.

–მშენებლობის დროს აუცილებელად იხელმძღვანელოს СНИП-ებით , შეასრულოს და დაიცვას და მათი მოთხოვნები შრომის დაცვასა და უსაფრთხოების ტექნიკაში.

–მომუშავენი უზრუნველყოს ინდივიდუალური დაცვის საშუალებებით და ასევე ასრულებდეს საერთო კოლექტიური დაცვის ღონისძიებებს.

–შეასრულოს სამუშაოები შრომის უსაფრთხოების პირობების დაცვით.

–უზრუნველყოს სამუშაო ადგილის ფარგლებში მდებარე ხეებისა და მცენარეების სიცოცხლისუნარიანობა, ეკოლოგიური ზემოქმედების მინიმუმამდე დაყვანა.

–სამუშაოს დასრულების შემდეგ 10 (ათი) დღის ვადაში თავისი ძალებითა და სახსრებით გაათავისუფლოს სამუშაო ადგილი და მიმდებარე ტერიტორია სამშენებლო მოწყობილობა–დანადგარებისაგან, მასალებისაგან, დროებითი ნაგებობებისაგან, სამშენებლო და საყოფაცხოვრებო ნარჩენებისაგან.

13. ხელშეკრულების შესრულების გარანტია

(ხელშეკრულების შესრულების გარანტია არ გამოიყენება)

14. ხელშეკრულების პირობების შეუსრულებლობა

14.1 დაუძლეველი ძალის გარდა „მიმწოდებელი“-ს მიერ ხელშეკრულებით ნაკისრი ვალდებულებების შეუსრულებლობისა ან/და დავიანებით შესრულების შემთხვევაში გამოიყენება საჯარიმო სანქციები:

– ხელშეკრულების თვითნებურად შეწყვეტის შემთხვევაში „მიმწოდებელი“ გადაიხდის ხელშეკრულების ჯამური ღირებულების 30(ოცდაათი) პროცენტს — (————) ლარს შემსყიდველის სასარგებლოდ.

14.2 თუ „მიმწოდებელი“ გადააცილებს მის მიერ წარმოდგენილი სამუშაოების კალენდარული გეგმა-გრაფიკით გათვალისწინებულ შესაბამისი ეტაპის დასრულების ვადას, „მიმწოდებელს“ დაეკისრება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0.1%-ის ოდენობით.

14.3 იმ შემთხვევაში, თუ ხელშეკრულების 14.2 პუნქტით გათვალისწინებული პირგასამტეხლოს ოდენობა მიაღწევს ხელშეკრულების ჯამური ღირებულების 3%-ს, „შემსყიდველს“ უფლება აქვს ცალმხრივად შეწყვიტოს ხელშეკრულება.

14.4 ამ ხელშეკრულების 14.3 და 15.1 მუხლის მოთხოვნათა შესაბამისად, ხელშეკრულების სრული ან მისი ცალკეული პირობის მოქმედების შეწყვეტის შემთხვევაში, მხარემ რომელმაც არ შეასრულა ხელშეკრულებით ნაკისრი ვალდებულება დაეკისრება პირგასამტეხლო ხელშეკრულების ჯამური ღირებულების 30% (ოცდაათი) პროცენტის ოდენობით – (————) ლარი მეორე მხარის სასარგებლოდ.

14.5 ხელშეკრულებით ნაკისრი ვალდებულებების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას ფაქტიურად შესრულებული სამუშაოს ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

14.6 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისადმი.

14.7 ხელშეკრულებით გათვალისწინებული სამუშაოს დასრულების ვადაში განხორციელებისას, ხელშეკრულების მოქმედების ვადის გასვლამდე ექსპერტიზის დასკვნის წარმოდგენისა და მიღება-ჩაბარების აქტის გაფორმების შემთხვევაში, „მიმწოდებელი“ თავისუფლდება ხელშეკრულების 14.2 პუნქტით გათვალისწინებული საჯარიმო სანქციებიდან.

15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულებით ნაკისრი ვალდებულებების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია წერილობით შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე დაუყოვნებლივ;

15.3 ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან.

16. დაუძლეველი ძალა

16.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შეუსრულებლობის შეუძლებლობის შესახებ.

16.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

16.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

17. სადავო საკითხების გადაწყვეტა

17.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს, საქართველოს მოქმედი კანონმდებლობის შესაბამისად.

18. გადასახადები და დაბეგვრა

18.1 „მიმწოდებელი“ პასუხს აგებს საქართველოს კანონმდებლობით დადგენილი გადასახადის, მოსაკრებლების და სხვა გადასახდელების გადახდაზე.

19. ხელშეკრულების მოქმედების ვადა

19.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 31 დეკემბრის ჩათვლით.

19.2 ხელშეკრულება შედგენილია 3(სამ) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. 1 (ერთი) ეგზემპლარი „მიმწოდებელთან“ და 2 (ორი) ეგზემპლარი „შემსყიდველთან“.

20. მხარეთა რეკვიზიტები და ხელმოწერები

შემსყიდველი:

თვითმმართველი ერთეული ხარაგაულის
მუნიციპალიტეტი ს/კ 243570989
მისამართი. ხარაგაული 9 აპრილის ქ. N15
ტელ. 0433220073
მობ. 599852605
სს ლიბერთი ბანკის ხარაგაული ფილიალი
ა.ა. GE81LB0120141455357000

მუნიციპალიტეტის გამგებელი
კობა ლურსმანაშვილი

მიმწოდებელი:

შპს „
ს/კ
მისამართი.
ტელ.
მობ.
სს
ა.ა. GE

შპს „“ დირექტორი